


增壹阿含經

第二十五

二百六十八  
聲五

49436



增壹阿含經卷第二十五

符秦建元年三藏曇摩難提譯

五王品第三十三

聞如是一時佛在舍衛國祇樹給孤獨園。爾時五大國王波斯匿為首，集在園觀之中。各作此論云：何為五王？所謂波斯匿王、毗沙王、優填王、惡生王、優陀延王。爾時五王集在一處，各作此論。諸賢當知：如來說此五欲云：何為五？若眼見色，甚愛敬念，世人所希望，若耳聞聲、鼻嗅香、舌知味、身知細滑。如來說此五欲，此五欲中何者最妙？為眼見色妙，耶為耳聞聲妙，耶為鼻嗅香妙，耶為舌知味妙，耶為

馨



身知細滑妙耶此五事何者爲最妙其中或有國王而作是說色最爲妙或有作是論聲最爲妙或有作是論香最爲勝或有作是論味最爲妙或有作此論細滑最爲勝是時言色妙者優陀延王之所說也言聲妙者優填王之所論也言香妙者惡生王之所論也言味妙者波斯匿王之所論也言細滑妙者毗沙王之所論也是時五王各相謂言我等離共論此五欲然復不知何者爲妙是時波斯匿王語四王曰今如來近在舍衛國祇樹給孤獨園我等盡共至世尊所問斯義若世尊有所教勅當共奉行是時諸王聞波斯匿王

語已便共相將至世尊所頭面礼足在一面  
坐是時波斯匿王所共論五欲者具白如來  
尔時世尊告諸五王曰諸王所論各隨時宜  
所以然者夫人性行染著色者覩無厭足此  
人於色最妙最上無復過者尔時彼人不著  
馨香味細滑之法五欲之中色為最妙若復  
有人性行著聲彼聞聲已極懷歡喜而無厭  
足此人於聲最妙最上五欲之中聲最為妙  
若復有人性行著香彼聞香已極懷歡喜而  
無厭足此人於香最妙最上五欲之中香最  
為妙若復有人性行著味彼知味已極懷歡  
喜而無厭足此人於味最妙最上五欲之中

味最爲妙若復有人性行著細滑彼得細滑  
已極懷歡喜而無厭足此人於細滑最妙最  
上五欲之中細滑最爲妙若復彼人心以著色  
尔時彼人不著聲香味細滑之法若復彼人性  
行著聲尔時彼人不著色香味細滑之法若  
復彼人性行著香尔時彼人不著色聲味細  
滑之法若復彼人性行著味尔時彼人不著  
色聲香細滑之法若復彼人性行著細滑尔時  
彼人不著色聲香味之法是時世尊便說此偈  
欲意熾盛時 所欲必可剋 得已倍歡喜  
所願無有疑 彼已得此欲 貪欲意不解  
以此爲歡喜 緣之最爲妙 若復聽聲時

所欲必可剋

聞已倍歡喜

所願無有疑

彼已得此聲

貪之意不解

以此為歡喜

從之最為妙

若復嗅香時

所欲必可剋

嗅已倍歡喜

所願無有疑

彼已得此香

貪之意不解

以此為歡喜

從之最為妙

若復得味時

所欲必可剋

得已倍歡喜

所欲無有疑

彼已得此味

貪之意不解

以此為歡喜

從之最為妙

若得細滑時

所欲必可剋

得已倍歡喜

所欲無疑難

彼已得細滑

貪之意不解

以此為歡喜

從之最為妙

是故大王若言色妙者當平等論之所以然

者於色有氣味若色無味者衆生終不染著  
以其有味故五欲之中色爲最妙然色有過  
失若當色無過失衆生則不厭患以其有過  
失故衆生厭患之然色有出要若當色無出  
要者此衆生類不得出生死之海以其出要  
故衆生得至無畏涅槃城中五欲之中色爲  
最妙然復大王若言聲妙者當平等論之所  
以然者於聲有氣味故若聲無味者衆生終  
不染著以其有味故五欲之中聲爲最妙然  
聲有過失若當聲無過失衆生則不厭患以  
其有過失故衆生厭患之然聲有出要若當  
聲無出要者此衆生類不得出生死之海以



其出要故衆生得至無畏涅槃城中五欲之中聲爲最妙大王當知若言香妙者當平等論之所以然者於香有氣味故若香無氣味者衆生之類終不染著以其有味故五欲之中香爲最妙然香有過失若香無過失者衆生則不厭患以其有過失故衆生厭患之然香有出要若當香無出要者此衆生類不得出生死之海以其出要故衆生得至無畏涅槃城中五欲之中香爲最妙然復大王若言味妙者當平等論之所以然者於味有氣味故若味無氣味者衆生之類終不染著以其有氣味故五欲之中味爲最妙然味有過失

若當味無過失者衆生則不厭患以其有過失故衆生厭患之然味有出要若當味無出要者此衆生類不得出生死之海以其出要故衆生得至無畏涅槃城中五欲之中味爲最妙然復大王當知若言細滑妙者當平等論之所以然者於細滑有氣味若細滑無氣味者衆生之類終不染著以其有味故五欲之中細滑爲最妙然細滑有過失若細滑無過失者衆生之類則不厭患之以其有過失故衆生厭患之然細滑有出要若當細滑無出要者此衆生類不得出生死之海以其出要故衆生得至無畏涅槃城中五欲之中細滑最

爲妙是故大王所樂之處心即染著如是大  
王當作是知尔時五王聞佛所說歡喜奉行  
聞如是一時佛在舍衛國祇樹給孤獨園尔  
時舍衛城中有月光長者饒財多寶爲馬七  
珍皆悉備具金銀珍寶不可稱計然月光長  
者無有兒息尔時長者以無兒故求禱天神  
請求日月天神地神鬼子母四天王二十八  
大鬼神王釋及梵天山神樹神五道之神樹  
木藥草靡處不周皆悉歸命見賜一男兒尔  
時月光長者婦經數日中便自懷妊即語長  
者我自覺有娠長者聞已歡喜踊躍不能自  
勝即與夫人敷好牀座食好甘食著好衣裳

是時夫人經八九月便生男見顏色端正世  
之希有如桃華色是時此兒兩手執無價摩  
尼珠即時便說此偈

此家頗有財

寶物及穀食

我今欲惠施

使貧無有乏

若此無物者

財寶及穀食

今有無價珠

常用惠施人

是時父母及家中人聞此語已各各馳走去  
何乃生此鬼魅種唯有父母哀愍兒故不東  
西馳走即時母向兒說此偈

為天乾沓和

鬼魅及羅刹

是誰姓字何

我今欲知之

是時小兒復以偈報母曰

非天。乾沓和。非鬼魅羅刹。我今父母生  
是人不足疑。

是時夫人聞此語已歡喜踊躍不能自勝以  
此因緣盡向月光長者說此語時長者便作是  
念此將是何緣我今當以此事向厓捷子說  
是時月光長者即抱此兒詣厓捷子所頭面  
礼足在一面坐是時月光長者以此因緣具  
向厓捷子說時厓捷子聞此語已告長者曰  
此兒薄福之人無益於身當取殺之若不殺  
者門戶衰耗皆當死盡是時月光長者作是  
思惟我前後來無有兒息由此因緣請求天  
地無處不遍乃經歷介許年歲方生此兒我

今不堪取此兒殺當更問餘沙門婆羅門令  
斷我疑尔時如來成佛未久衆人稱号名大  
沙門是時月光長者便作是念我可以此因  
緣具向大沙門說之是時長者即從座起抱  
此兒往詣世尊所中道復作是念今有長老  
梵志年過耆艾聰明黠慧衆人所敬待彼尚  
不知不見況此沙門瞿曇年少學道未久豈  
能知此事乎將恐不解吾疑我今宜可中道  
還家是時有天神昔與長者知舊知長者心  
中所念在虛空中而告之曰長者當知小可  
前進必當獲利得大果報亦當至甘露之處  
如來出世甚爲難遇如來降甘露雨時時乃

有又復長者有四事最小不可輕云何爲四  
國王雖小最不可輕火雖小亦不可輕龍雖  
小復不可輕學道之人雖復年幼亦不可輕  
是謂長者有此四事最不可輕是時天神便  
說此偈

國王雖復小

斬害由其法

小火雖未熾

焚燒山草木

神龍雖現小

降雨隨時宜

學者年幼稚

度人無有量

尔時月光長者心開意解歡喜踊躍不能自  
勝即前進至世尊所頭面礼足在一面坐以  
此因緣具白世尊尔時世尊告長者曰今此  
小兒極有大福此小兒若當大者當將五百

徒衆來至我所而出家學道得阿羅漢我聲  
聞中福德第一無能及者是時長者聞此語  
已歡喜踊躍不能自勝白世尊言如世尊教  
非如斥捷子語是時月光長者重白世尊唯  
願受請及比丘僧并愍此小兒尔時世尊默  
然受請時長者已見默然受請即從座起頭  
面礼足便退而去還至家中供辦種種甘饌  
飲食敷好坐具清旦自白時到唯尊降神是  
時世尊已知時到將諸比丘前後圍遶入舍  
衛城至長者家即就于座是時長者見佛比  
丘僧坐已定即辦種種飲食自手斟酌歡喜  
不亂已見食竟除去鉢器行清淨水更取小



座在如來前坐欲得聞佛所說妙法是時月光長者白世尊言我今持居家田業盡與此兒唯願世尊當與立名世尊告曰此兒生時人皆馳走東西云是尸婆羅鬼今即立字名尸婆羅尔時世尊漸與長者及長者婦而說妙論所謂論者施論戒論生天之論欲不淨想漏爲大患出要爲妙尔時世尊以見長者及長者婦心開意解無復狐疑諸佛世尊常所說法苦習盡道是時世尊盡與長者說之令發歡喜之心長者夫婦即於座上諸塵垢盡得法眼淨猶如新白氎易染爲色是時長者夫婦亦復如是即於座上得法眼淨彼以

見法得法分別諸法已度猶豫無復狐疑得  
無所畏解如來深奧之法即受五戒亦時世  
尊便說此偈

祀祠火為上

諸論頌為首

王為人中尊

海為眾流原

月為星中明

日為眾明最

八方及上下

所生万品物

欲求其福者

三佛最為尊

亦時世尊說此偈已即從座起而去是時長  
者求五百童子使侍衛尸婆羅是時尸婆羅  
年向二十往至父母所白父母言唯願二尊  
許使出家學道亦時二親即便聽許所以然  
者世尊先已記之當將五百童子至世尊所

求作沙門是時尸婆羅及五百人礼父母足  
便退而去至世尊所頭面礼足在一面立  
時尸婆羅白世尊言唯願聽許得在道次是  
時世尊即便聽許使作沙門未經幾日便成  
阿羅漢六通清徹具八解脫是時五百童子  
前白佛言唯願世尊聽作沙門世尊默然許  
之出家未經幾日便成阿羅漢亦時尊者尸  
婆羅還在舍衛國本邦之處衆人敬仰得四  
事供養衣被飲食牀蓐卧具病瘦醫藥是時  
尊者尸婆羅便作是念我今在此本邦之中  
極爲煩鬧今可在人間遊化是時尊者尸婆  
羅到時著衣持鉢入舍衛城乞食乞食已還

詣所止收攝坐具著衣持鉢出祇洹精舍將  
五百比丘前後圍遶在人間遊化所至到處  
無不供養者皆供給衣被飯食牀褥卧具病瘦  
醫藥復有諸天告諸村落今有尊者尸婆羅  
得阿羅漢福德第一將五百比丘在人間遊  
化諸賢可往供養今不去者後悔無益是時  
尊者尸婆羅便作是念今甚厭患此供養當  
何處避之令人不知吾處是時即入深山之  
中諸天復在村落間各各告曰今尊者尸婆  
羅在此山中可往供養今不為者後悔無益  
是時人民聞天語已即負飲食往詣尊者尸  
婆羅所唯願尊住為我等故是時尸婆羅漸

漸人中遊化來至羅閱城迦蘭陀竹園所與  
大比丘衆五百人俱亦得供養衣被飯食牀褥  
卧具病瘦醫藥時尸婆羅復作是念我今向  
在何處夏坐使人不知吾處復重作是念當  
在耆闍山東廣普山西於中夏坐即將五百  
比丘在彼山中而受夏坐是時釋提桓因知尸  
婆羅心中所念即於山中化作浮屠園果樹  
木皆悉備具周帀有浴池化作五百高臺復  
化作五百牀座復化作五百小牀座復化作  
五百繩牀以天甘露而食之是時尊者尸婆  
羅便作是念我今以夏坐訖不見如來甚久  
今可往親覲世尊即將五百比丘往詣舍衛

城尔時盛熱比丘衆皆悉汗出汗染身體是  
時尊者尸婆羅作是念今日比丘衆身體極  
熱得少許雲在上及細雨者甚是佳事值小  
浴池及得少漿以生此念即空中有大雲及  
作細雨亦有浴池有四非人負好甘漿毗沙  
門王所遣唯願尊者受此甘漿及施比丘僧尔  
時受此漿已與比丘僧使飲之尔時尸婆羅  
復作是念我今可在此間止宿是時釋提桓  
因知尸婆羅心中所念即於道側化作五百  
房舍牀座備具是時諸天奉上飲食尸婆羅  
食訖即從座起而去尔時尊者尸婆羅叔父  
在舍衛城內住饒財多寶無所短乏然復慳

貪不肯布施不信佛法衆不造功德是時諸親族語此人曰長者用此財貨爲然復不作後世資糧尔時彼長者聞此語已一日之中以百千兩金布施與外道梵志不向三尊是時尊者尸婆羅聞叔父以百千兩金施與外道異學不布施與三尊是時尊者尸婆羅往詣祇洹精舍至世尊所頭面禮足在一面坐尔時世尊與尸婆羅說微妙之法是時尊者尸婆羅從如來聞法已即從座起礼世尊足右遶三匝便退而去是時尊者尸婆羅即以其日著衣持鉢入舍衛城乞食漸漸往詣叔父家到已在門外默然立是時長者見尊者

尸婆羅在門外乞食即語之曰汝昨日何故  
不來我昨日以百千兩金惠施我可以一張  
氎持用施卿尸婆羅對曰我今不用氎爲今  
日來者故乞食耳長者對曰我昨日以用百  
千兩金惠施更不能復惠施是時尊者尸婆  
羅欲得度長者故便飛在空中身出水火坐  
卧經行隨意所造是時長者見此變化已便  
作是說可還來下就坐今當相施是時尊者  
尸婆羅即捨神足尋來就坐是時彼長者以  
憊惡飲食極爲麁澁與尊者尸婆羅使食之  
是時尊者尸婆羅生長豪家飲食自恣但以  
彼長者故而受此食便取食之是時尊者尸



婆羅食訖還詣所在即其夜虛空中神天來  
語此長者曰

善施極大施

乃與尸婆羅

無欲以解脫

愛斷以無疑

夜半清旦二

時說此偈

善施極大施

乃與尸婆羅

無欲以解脫

愛斷以無疑

是時長者聞天人語便作是念我昨日以百  
千兩金施與外道乃無此應我今日以慳惡  
食施與尸婆羅乃致此應何時當曉自當以  
百千兩金施與尸婆羅是時長者即其日檢  
校家中所有直百千兩金者即持詣尸婆羅

所到已頭面礼足在一面住尔時長者以此  
百千兩金奉上尸婆羅並作是語唯願受此  
百千兩金是時尊者尸婆羅報曰當使長者  
受福無窮長受自然然復如來不許比丘受  
百千兩金是時長者便往至世尊所到已頭  
面礼足在一面坐尔時彼長者白世尊言唯  
願世尊使尸婆羅比丘受此百千兩金使我  
蒙其福尔時世尊告一比丘汝往至尸婆羅  
比丘所云吾喚卿比丘對曰如是世尊是時  
彼比丘從佛受教即往至彼尸婆羅所以如  
來語而告之是時尊者尸婆羅承彼比丘語  
即往至世尊所頭面礼足在一面坐尔時世

尊告尸婆羅曰汝今可受此長者百千兩金  
使蒙其福此是宿緣之業可受其報尸婆羅  
對曰如是世尊是時尊者尸婆羅即時而說  
嗟觀

施衣及餘物

欲求其福德

往至天世人

五欲自娛樂

從天至人中

度有無疑難

涅槃無爲處

諸佛之所樂

施惠無難者

蒙此獲福祐

當起慈惠心

作福無有懈

是時尊者尸婆羅語長者言可持此百千兩  
金著我房中尔時長者承受其教持此百千  
兩金著尊者尸婆羅房中便退而去是時尸  
婆羅告諸比丘諸有所乏者來至此而取之

若復須衣被飯食牀敷卧具病瘦醫藥皆來取  
之勿在餘處而求之也展轉相告令知之是  
時衆多比丘白世尊言此尸婆羅昔作何福  
生長者家端正無雙如桃華色復作何福兩  
手捉珠出母胎中復作何福將五百人詣如  
來所出家學道值如來世復作何福所至到  
處衣食自然無所短乏餘比丘無能及者尔  
時世尊告諸比丘過去久遠九十一劫有佛  
号毗婆尸如來至真等正覺明行成爲善逝  
世間解無上士道法御天人師号佛世尊出  
現於世遊在槃頭國界與六十万八千衆共  
俱四事供養衣被飲食牀敷卧具病瘦醫藥尔

時有梵志名曰耶若達住彼土界饒財多寶  
金銀珍寶碑磔碼碯真珠琥珀不可稱計是  
時耶若達出彼國界往至毗婆尸如來所到  
已共相問訊在一面坐是時毗婆尸如來漸  
與說法便發歡喜之心尔時耶若達白毗婆  
尸如來唯願當受我請欲飯佛及比丘僧是  
時如來默然受請耶若達梵志以見世尊默  
然受請即從座起遶佛三帀而去往至家中  
辦種種甘饌飲食是時耶若達夜半便作是  
念我今已辦種種飲食唯無有酪明日清旦  
當往城門中其有賣酪者盡當買之是時耶  
若達梵志清旦敷好坐具尋復詣城門中求

酪當於尔時有放牛人持酪名尸婆羅欲往  
祠祀是時耶若達梵志語放牛人曰卿酪賣  
者吾當與價尸婆羅報曰我今欲祠祀婆羅  
門報曰汝今祀天爲何所求但賣與我當重  
願價放牛人報曰梵志今用酪爲梵志報曰  
我今請毗婆尸如來及比丘僧然飲食盡辦  
唯無有酪是時尸婆羅問梵志曰毗婆尸如  
來者爲何等相貌梵志報曰如來者無與等  
也戒具清淨慧定三昧皆不可及天上人中  
無能及者是時耶若達梵志歎說如來之德  
尸婆羅聞已心開意解是時尸婆羅語梵志  
曰我今躬持此酪往施如來復用祀天爲是

時耶若達梵志將此放牛人往至家中往詣佛  
所即白時到今正是時唯尊屈願時如來以  
知時到著衣持鉢將諸比丘前後圍遶至耶  
若達梵志家各次第坐是時放牛人見如來  
容貌世之希有諸根淡泊有三十二相八十  
種好莊嚴其身面如日月猶如須彌山出衆  
山上光明遠照靡不蒙潤見已歡喜便前進  
世尊所而作是說設當如來功德如梵志所  
論者使此一瓶酪盡充衆僧今時尸婆羅白  
世尊言願授此酪是時如來即舒鉢受酪亦  
復與比丘僧猶故有酪今時放牛人白世尊  
言今故有餘酪時如來告曰汝今更持此酪

施佛及比丘衆時放牛人對曰如是世尊是時放牛人更重行酪猶故遺餘酪在放牛人復白佛言今故有遺餘酪在是時如來告此人曰今可持此酪與比丘尼衆優婆塞優婆斯衆使得充飽故有遺餘酪在今時佛語放牛人汝今可持此酪與檀越主人對曰如是尋復與檀越主人故有遺餘酪在復施與乞人貧匱者亦有遺餘酪在來白佛言故有遺餘酪在時佛告曰今持此酪寫著淨地若著水中所以然者我不見有天人及世人能有消此酪者唯除如來時放牛人即受佛教持此酪而著水中尋時水中大火燄出高數十刃



是時放牛人見此變恠已歎未曾有還至世  
尊所頭面礼足叉手而住復作此誓願令持  
此酪施與四部之衆設當有福德者緣此福  
祐莫墮八難之處莫生貧匱之家所生之處  
六情完具面目端正亦莫在家使將來之世  
亦值如此聖尊比丘當知三十一劫復有佛  
名式誥如來出現於世是時式誥如來遊化  
於野馬世界與大比丘十萬人俱是時式誥  
如來到時著衣持鉢入城乞食時彼城中有  
大商客名曰善財是時善財遙見式誥如來  
來諸根寂靜容貌端正有三十二相八十種  
好莊嚴其身面如日月見已便發歡喜之心

前至世尊所頭面禮足在一面坐。今時賈人以好寶珠散如來上。現其微心。普作誓願。持此功德所生之處。饒財多寶。無所乏短。無令手中有空缺時。乃至母胞胎中。亦使不空於此劫中。復有毗舍羅婆如來。至真等正覺。明行成爲善逝。世間解無上士道法。御天人師。号佛世尊。今時有長者名善覺。饒財多寶。復請毗舍羅婆如來。至真等正覺。及比丘僧時。彼長者少於使人。是時長者躬自辦種種甘饌。飲食飯。彼如來作是誓願。我持此功德所生之處。常值三寶。無所短乏。恒多使人。令將來之世。值如來。如今日也。今此賢劫中有佛。

名拘屢孫如來至真等正覺出現於世。爾時有長者名多財，復請拘屢孫如來七日之中，飯佛及比丘僧，供養衣被、飯食、牀敷、卧具、病瘦醫藥所生之處，常饒財多寶，莫生貧賤之家，使我所生之處，恒得四事供養，爲四部之衆國王、人民所見，宗敬天龍鬼神人，若非人所見，接遇諸比丘，當知爾時耶。若達梵志，豈異人乎？莫作是觀，所以然者，今月光長者身是也。爾時放牛人名尸婆羅，以酪供養佛者，今比丘尸婆羅是也。爾時善財賈人，豈異人乎？莫作是觀，今尸婆羅比丘是也。爾時善覺長者，豈異人乎？莫作是觀，今尸婆羅比丘是也。

尔時多財長者豈異人乎莫作是觀今日尸  
婆羅比丘是也諸比丘當知尸婆羅比丘作  
此誓願使我所生之處恒端正無雙常在富  
貴家生使將來之世值遇世尊設爲我說法  
者即得解脫得出家作沙門緣此功德今尸  
婆羅比丘得生富貴家端正無雙今遭值我  
即得阿羅漢然比丘當知復以寶珠散如來  
上持是功德今處母胎手執雙珠出母胎中  
價直閻浮提當生之日便作是說復請拘屢  
孫如來求多使人今將五百徒衆來至我所出  
家學道盡得阿羅漢復於七日之中供養拘屢  
孫如來求得四事供養今日不乏衣被飯食

牀敷卧具病瘦醫藥緣此功德餘比丘所不及  
釋提桓因身來供養給其所須又且諸天轉  
告村落使四部之衆知有尸婆羅此其義也  
我弟子中第一福德者尸婆羅比丘是也  
時諸比丘聞佛所說歡喜奉行

聞如是一時佛在舍衛國祇樹給孤獨園  
時世尊告諸比丘五健丈夫堪任戰鬪出現  
於世云何爲五於是有人著鎧持杖入軍戰  
鬪遙見風塵便懷恐怖是謂一戰鬪人也復  
次第二戰鬪人著鎧持杖欲入軍戰若見風  
塵不懷恐怖但見高幢便懷恐怖不堪前鬪  
是謂第二人復次第三戰鬪人著鎧持杖欲

入軍戰鬪彼若見風塵若見高幢不懷恐怖  
若見弓箭便懷恐怖不堪戰鬪是謂第三人  
復次第四戰鬪人著鎧持杖入軍共鬪彼若  
見風塵若見高幢若見弓箭不懷恐怖但入  
陣時便爲他所捉或斷命根是謂第四戰鬪  
人也復次第五戰鬪人著鎧持杖欲入陣鬪  
彼若見風塵若見高幢若見弓箭爲他所捉  
乃至於死不懷恐怖能壞他軍境界內外而  
領人民是謂第五戰鬪人也如是比丘世間  
有此五種人今比丘衆中亦有此五種之人  
出現於世云何爲五或有一比丘遊他村落  
彼聞村中有婦人端正無雙面如桃華色彼

聞已到時著衣持鉢入村乞食即見此女人  
顏貌無雙便起欲想除去三衣還佛禁戒而  
作居家猶如彼闔人小見風塵以懷恐怖似  
此比丘也復次有比丘聞有女人在村落中  
住端正無比到時著衣持鉢入村乞食彼若  
見女人不起欲想但與彼女人共相調戲言  
語往來因此調戲便捨法服還爲白衣如彼  
第二人見風塵不怖但見高幢便懷恐怖此  
比丘亦復如是復次有一比丘聞村落中有  
女人容貌端正世之希有如桃華色到時著  
衣持鉢入村乞食若見女人不起欲想設共  
女人共相調戲亦復不起欲意之想但與彼

女人手拳相加或相捻挫於中便起欲想捨  
三法衣還爲白衣習於家業如彼第三人入  
陣時見風塵見高幢不恐怖見弓箭便懷恐  
怖復次有一比丘聞村落中有女人面容端  
正世之希有到時著衣持鉢入村乞食彼若  
見女人不起欲想設共言語亦復不起欲想  
設彼女人共相捻挫便起欲想然不捨法服  
習於家業如彼第四人入軍爲他所獲或喪  
命根而不得出復次有一比丘聞村落中有女人  
到時著衣持鉢入村乞食彼若見女人不起  
欲想設共言語亦不起欲心若復共相捻挫  
亦復不起欲想是時比丘觀此身中三十



六物惡穢不淨誰著此者由何起欲此欲  
爲止何所爲從頭耶形體出耶觀此諸物了  
無所有從頭至足亦復如是五藏所屬無有  
想像亦無來處彼觀緣本不知所從來處彼  
復作是念我觀此欲從因緣生彼比丘觀此  
已欲漏心得解脫有漏心解脫無明漏心得  
解脫已得解脫便得解脫智生死已盡梵行  
已立所作已辦更不復受胎如實知之如彼  
第五戰鬥之人不難衆敵而自遊化由是故  
我今說此人捨於愛欲入於無畏之處得至  
涅槃城是謂比丘有此五種之人出現於世  
亦時世尊便說此偈……

欲我知汝本

意以思想生

非我思想生

且汝而不有

是故諸比丘當觀惡穢婬不淨行除去色欲  
如是諸比丘當作是學尔時諸比丘聞佛所  
說歡喜奉行

聞如是一時佛在舍衛國祇樹給孤獨園尔  
時世尊告諸比丘有五戰鬪之人出現於世  
云何為五或有一人著鎧持仗入軍戰鬪彼  
見風塵便懷恐怖不敢入彼大陣之中是謂  
第一之人復次第二戰鬪之人著鎧持仗入  
軍戰鬪彼見風塵不生畏懼但聞擊鼓之音  
便懷恐怖是謂第二之人復次第三之人著

鎧持仗入軍戰鬪彼若見風塵不生畏懼設  
聞鼓角之聲不起畏懼彼若見高幢便懷恐  
怖不堪戰鬪是謂第三之人復次第四戰鬪  
之人著鎧持仗入軍戰鬪中若見風塵不起畏  
懼若聞鼓角之音復不恐懼若見高幢亦不  
怖畏設爲他所捉或斷命根是謂第四之人  
復次第五有人著鎧持仗入軍共鬪彼盡能  
有所忍無所畏難能有所壞廣接國界是謂  
第五之人出現於世比丘當知今此比丘中  
亦復有五種之人出現於世間云何爲五或  
有一比丘住村落中彼聞有女人端正無雙  
如桃華色彼比丘到時著衣持鉢入村乞食

不守根門不護身口意法彼若見女人便起  
欲意還捨禁戒習白衣法如彼初人聞揚塵  
之聲不堪戰鬪便懷恐怖我由是故而說此  
人復次有比丘住在村落彼聞村中有女人  
端正無比面如桃華色即便捨戒習白衣法  
如彼第二鬪人但聞鼓角之聲不堪戰鬪此  
亦如是復次有比丘住在村落聞有女人在  
彼村落彼聞已便起欲意彼若見女人不起  
欲想但共女人共相調戲於中便捨禁戒習  
白衣法如彼第三人遙見箭已便懷恐懼不  
堪戰鬪由是故今說此人是謂第三戰鬪之  
人復次有比丘住在村落彼比丘聞村中有

女人聞已著衣持鉢入村乞食不守護身口  
意彼見女人端正無雙於中便起欲意或與  
女人共相捻捏或手拳相加便捨禁戒還爲  
白衣如彼第四戰鬥之人在大軍中爲他所  
捉或喪命根由是之故今說此人復次有比  
丘聞村落中有女人世之希有彼雖聞此不  
起欲想彼比丘到時著衣持鉢入村乞食而  
守護身口意彼雖見女人不起欲想無有邪  
念設共女人言語往返亦不起欲想亦無邪  
念設共女人共相捻捏手拳相加亦時便起  
欲想身口意便熾盛欲意已熾盛還詣園中  
至長老比丘所以此因緣向長老比丘說之

諸賢當知我今欲意熾盛不能自禁制唯願  
說法使脫欲之惡露不淨是時長老比丘告  
曰汝今當觀此欲爲從何生復從何滅如來  
所說夫去欲者以不淨觀除之及修行不淨  
觀之道是時長老比丘便說此偈

設知顛倒者

加心而熾盛

當去諸識想

欲意便休息

諸賢知之欲從想生以興想念便生欲意或  
能自害復害他人起若干災患之變於現法  
中受其苦患復於後世受苦無量欲意已除  
亦不自害復不害他人於現法報不受其苦  
是故汝今當除想念以無想念便無欲心以

無欲心便無亂想。尔時彼比丘受如此教勅，即思惟不淨之想，以思惟不淨之想。尔時有漏心得解脫，至無爲處。如彼第五人著鎧持仗入軍戰鬪，彼見衆敵無有恐懼，設有來害者，心不移動，能破外寇，居他界中，由是故。今說此人能破魔衆，去諸亂想，至無爲處，是謂第五人出現於世。比丘當知世間有此五人出現世間，是故諸比丘當念修行，欲不淨想。如是諸比丘當作是學。尔時諸比丘聞佛所說歡喜奉行。

聞如是一時佛在舍衛國祇樹給孤獨園。尔時世尊告諸比丘：夫掃地之人有五事不得。

功德云何爲五於是掃地之人不知逆風不知順風復不作聚復不除糞然掃地之處復非淨潔是謂比丘掃地之人雖有五事不成大功德復次比丘掃地之人成五功德云何爲五於是掃地之人知逆風順風之理亦知作聚亦能除之不留遺餘極令淨好是謂比丘有此五事成大功德是故諸比丘當除前五事修後五法如是諸比丘當作是學尔時諸比丘聞佛所說歡喜奉行

聞如是一時佛在舍衛國祇樹給孤獨園尔時世尊告諸比丘若有人掃偷婆不得五功德云何爲五於是有以掃偷婆不以水灑地



不除去瓦石不平整其地不端意掃地不除去穢惡是謂比丘掃地之人不成五功德比丘當知掃地之人成五功德云何爲五於是掃偷婆之人以水灑地除去瓦石平整其地端意掃地除去穢惡是謂比丘有五事令人得功德是故諸比丘欲求其功德者當行此五事如是諸比丘當作是學尔時諸比丘聞佛所說歡喜奉行

聞如是一時佛在舍衛國祇樹給孤獨園尔時世尊告諸比丘長遊行之人有五艱難云何爲五於是恒遊行人不誦法教所誦之教而忘失之不得定意以得三昧復忘失之聞

法不能持是謂比丘多遊行人有此五難比  
丘當知不多遊行人有五功德云何爲五未  
曾得法而得法已得不復忘失多聞能有所  
持能得定意以得三昧不復失之是謂比丘  
不多遊行人有此五功德是故諸比丘莫多  
遊行如是諸比丘當作是學尔時諸比丘聞

佛所說歡喜奉行

聞如是一時佛在舍衛國祇樹給孤獨園尔  
時世尊告諸比丘若有比丘恒一處止有五  
非法云何爲五於是比丘一處住者意著屋  
舍畏恐人奪或意著財產復恐人奪或多集  
物猶如白衣貪著親親不欲使人至親親家

恒共白衣而相往來是謂比丘一處住人有  
此五非法是故諸比丘當求方便勿一處住  
如是諸比丘當作是學尔時諸比丘聞佛所  
說歡喜奉行

聞如是一時佛在舍衛國祇樹給孤獨園尔  
時世尊告諸比丘不一處住人有五功德云  
何爲五不貪屋舍不貪器物不多集財物不  
著親族不與白衣共相往來是謂比丘不住  
一處人有此五功德是故諸比丘當求方便  
行此五事如是諸比丘當作是學尔時諸比  
丘聞佛所說歡喜奉行

聞如是一時佛在摩竭國光明池側尔時世

尊與大比丘衆五百人俱在人間遊化。爾時  
世尊遙見大樹爲火所燒，見已如來更詣一  
樹下，到已就樹下坐。爾時世尊告諸比丘云：  
何比丘寧持身投此火中，爲寧與端正女人  
而共交遊？爾時諸比丘白佛言：寧與女人共  
相交遊，不投身入此火中。所以然者，此火毒  
熱不可稱計，斷其命根，受苦無量。世尊告曰：  
我今告汝等，非沙門行言是沙門，非梵行人  
言是梵行，不聞正法言我聞正法，無清白法  
如是之人，寧投身入此火中，不與女人共相  
交遊。所以然者，彼人寧受此苦痛，不以此罪  
入地獄中受苦無量。云何比丘寧受人禮拜

恭敬爲寧使人取利劍斷其手足諸比丘對  
曰寧受恭敬禮拜不使人以劍斷其手足所  
以然者斷其手足痛不可稱計世尊告曰我  
今告汝等非沙門行言是沙門非梵行人言  
是梵行不聞正法言聞正法無清白行斷善  
根本如是之人寧投身受此利劍不以無戒  
受他恭敬所以然者此痛斯須間耳地獄苦  
痛不可稱計云何比丘寧受人衣裳爲寧以  
熱鐵鏢用纏裹身諸比丘對曰寧以受人衣  
裳不受此苦痛所以然者此毒痛不可稱計  
世尊告曰我今重告汝無戒之人寧以熱鐵  
鏢纏裹其身不受人衣裳所以然者此痛須

卑聞耳。地獄苦痛不可稱計。云何比丘寧受人信施之食爲寧以吞熱鐵丸乎。諸比丘對曰：寧受人信施之食不吞熱鐵丸也。所以然者此痛不可堪。處世尊告曰：我今告汝寧吞熱鐵丸不以無戒受人信施，所以然者吞熱鐵丸痛斯須間，不以無戒受他信施。云何比丘寧受人牀卧之具爲寧卧熱鐵牀上。諸比丘對曰：我等世尊寧受人牀卧之具不卧熱鐵牀上，所以然者此之毒痛不可稱計。世尊告曰：彼愚癡之人無有戒行，非沙門言是沙門，無有梵行言修梵行。寧當卧鐵牀上，不以無戒受他信施，所以然者卧鐵牀上痛斯須

間不以無戒受他信施比丘當知如我今日  
觀無戒之人所趣向處設彼人聞者形體枯  
悴沸血從面孔出便取命終不與女人共相  
交遊不受人禮敬之德不受人衣被飯食牀敷  
卧具病瘦醫藥以其無戒之人不觀後世前  
世之罪不願命根受此苦痛無戒之人當生

三惡趣中所以然者以其造惡行之所致也  
如來今日觀察善行人之所趣向正使中毒爲  
刀所傷自斷命根何以故欲捨此身受天之  
福當生善處皆由前世受善行報之所致也  
是故諸比丘當念修行戒身定身慧身解脫  
身解脫知見身欲使今世獲其果報得甘露

道正使受人衣被飯食牀敷卧具病瘦醫藥而  
無過失又使檀越受福無窮如是諸比丘當  
作是學尔時說此法時六十比丘漏盡意解  
六十比丘還捨法服而作白衣尔時諸比丘  
聞佛所說歡喜奉行

五王及月光 尸婆二憊鬪 二掃二行來

去住有二種 枯樹最在後

增壹阿舍經卷第二十五 馨

鬼魅 二下密反 衰耗 上音所追反 耆艾 上音渠夷反

老之稱也 禮記云年 六 黠慧 上音閑八 幼稚 下音直

斟酌 上音針 深奧 下音烏 本邦 非作邦 慙 并減反



何毗達  
土音達  
下昌近  
耶若  
下女  
酪  
音

完兒  
戶官也  
二反  
同  
式詰  
也下起  
一反  
佛名  
賈人  
音上

古也  
拘屢  
下力句  
反佛名也  
鎧  
苦亥反  
調戲

客也  
手拳  
下巨負反  
捻捏  
也上  
奴牒反  
指  
觸也

也刺  
寢  
苦候  
反  
枯悴  
下才  
反  
醉反



下

山

天

